



Broj: 03-04-02-41335/20
Sarajevo, 15.04.2020.godine

SKUPŠTINA KANTONA SARAJEVO
gosp. Mirza Čelik, predsjedavajući Skupštine

**PREDMET: Izjašnjenje na zastupničku inicijativu zastupnika, dostavlja se –
VEZA: Vaš akt, br. 01-05-41335-1/19 od 21.11.2019. godine**

Na 15. Radnoj sjednici Skupštine Kantona Sarajevo, održanoj 19.11.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo, zastupnica Bibija Kerla je pokrenula zastupničku inicijativu:

„da Vlada odnosno Skupština KS uvede pripravnčki staž u privrednim institucijama za sve one koji imaju višu i visoku stručnu spremu. U ovom prijedlogu je sadržana i naknada od 40% prosječne plate u Federaciji BiH“.

S tim u vezi, Ministarstvo pravde i uprave dostavlja sljedeće izjašnjenje:

U članu 32. Zakona o radu Federacije Bosne i Hercegovine (“Službene novine Federacije Bosne i Hercegovine”, br. 26/16 i 89/18) (u daljem tekstu: Zakon) propisano je da “radi stručnog osposobljavanja za samostalan rad, poslodavac može zaključiti ugovor o radu sa pripravnikom.”, te da “za vrijeme obavljanja pripravnčkog staža pripravnik ima pravo na 70% plaće utvrđene za poslove za koje se osposobljava.” U stavu (5) se propisuje da: “Poslodavac i pripravnik mogu se dogovoriti i o većem iznosu plaće iz stava 4. ovog člana.”

Član 34. Zakona st. (1), (2), (5) i (6) propisuje:

(1) Ako je stručni ispit ili radno iskustvo utvrđeno zakonom ili pravilnikom o radu uvjet za obavljanje poslova određenog zanimanja, poslodavac može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa.



(2) *Vrijeme stručnog osposobljavanja iz stava 1. ovog člana računa se u pripravnički staž i radno iskustvo utvrđeno kao uvjet za rad u određenom zanimanju i može trajati najduže onoliko vremena koliko traje pripravnički staž.*

(5) *Lice na stručnom osposobljavanju ima pravo na zdravstveno osiguranje kako je to utvrđeno propisima za nezaposlena lica, a prava po osnovu osiguranja za slučaj povrede na radu i profesionalnog oboljenja osigurava poslodavac u skladu sa propisima o penzijskom i invalidskom osiguranju.*

(6) *Licu za vrijeme stručnog osposobljavanja osigurava se odmor u toku rada, dnevni odmor između dva uzastopna radna dana i sedmični odmor.*

Iz naprijed navedenih odredbi Zakona može se zaključiti da Zakon ostavlja mogućnost poslodavcu da zaključi ugovor o radu sa pripravnikom, te da je Zakonom jasno propisana plaća pripravnika u iznosu od 70% plaće utvrđene za poslove za koje se osposobljava, koja može biti i veća ukoliko se poslodavac i pripravnik o tome dogovore. Također, Zakon predviđa da poslodavac može lice koje je završilo školovanje za takvo zanimanje primiti na stručno osposobljavanje bez zasnivanja radnog odnosa i to se vrijeme računa u pripravnički staž. Lica primljena na stručno osposobljavanje imaju pravo na zdravstveno osiguranje i prava po osnovu osiguranja za slučaj povrede na radu i profesionalnog oboljenja, koja poslodavac osigurava u skladu sa odgovarajućim propisima.

S obzirom da se odredbe Zakona odnose i na zavode, agencije, direkcije i upravne organizacije, pravna lica s javnim ovlaštenjima na teritoriji kantona, grada ili općine, javne ustanove i javna preduzeća čiji su osnivači kanton, grad ili općina, te na privredna društva u kojima kanton, grad ili općina učestvuju sa više od 50% ukupnog kapitala, smatramo da ne postoji mogućnost da se navedene institucije kantonalnim propisom obavežu na uvođenje pripravničkog staža "za sve one koji imaju završenu Višu i Visoku SS", te da se uvede "naknada od 40% prosječne plate u Federaciji BiH" kako je navedeno u zastupničkoj inicijativi, jer bi navedeno bilo u koliziji sa federalnim zakonom.

S poštovanjem,

Obradio: Dino Mešić

Dostaviti:

1. Naslovu;
2. Stručna služba Vlade Kantona Sarajevo –
na znanje;
3. a/a



MINISTRICA

Mersa Kustura dipl. pravnik



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

